



Broj: 02-04-3886-4/25
Sarajevo, 06.02.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), člana 95. i 98. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 4. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj:40/22) i člana 41. Zakona o pružanju besplatne pravne pomoći („Službene novine Kantona Sarajevo“, broj: 1/12, 26/14, 40/17 i 19/23) Vlada Kantona Sarajevo, na **62.** sjednici održanoj **06.02.2025.** godine, donijela je

ZAKLJUČAK

1. Prihvata se Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Kantonalni zavod za pružanje besplatne pravne pomoći,
6. Evidencija,
7. A r h i v a.



Bosnia and Herzegovina
Federation of Bosnia and Herzegovina
CANTON SARAJEVO
Cantonal Institute for Free Legal Aid

Broj: 28-01-04-02/25
Sarajevo, 31.1.2025. godine

KANTON SARAJEVO
VLADA KANTONA
SEKRETAR VLADE KANTONA
Ul. Reisa Džemaludina Čauševića br. 1
71000 Sarajevo

PREDMET: Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu, dostavlja se -

Poštovani,

u prilogu ovog akta Vam dostavljam *Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu*, u skladu sa Odlukom o metodologiji izrade i donošenju programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", broj 1/23).

S poštovanjem,

DIREKTORICA
[Redacted Signature]
Emina Herdić-Harčić, dipl. pravnica

Prilog:

1. Prijedlog zaključka Vlade Kantona Sarajevo o prihvatanju Izvještaja o radu Kantonalnog zavoda za pružanje besplatne pravne pomoći, sa obrazloženjem i izvodom iz Zakona o pružanju besplatne pravne pomoći i Zakona o organizaciji organa uprave u FBiH
2. Prijedlog zaključka Skupštine Kantona Sarajevo o usvajanju Izvještaja o radu Kantonalnog zavoda za pružanje besplatne pravne pomoći, sa obrazloženjem i izvodom iz Zakona o pružanju besplatne pravne pomoći i Zakona o organizaciji organa uprave u FBiH
3. Izvještaj o radu Kantonalnog zavoda za pružanje besplatne pravne pomoći za 2024. godinu

Bosna i Hercegovina
Federacija Bosne i Hercegovine
KANTON SARAJEVO
Kantonalni Zavod za pružanje
besplatne pravne pomoći



Босна и Херцеговина
Федерација Босне и Херцеговине
КАНТОН САРАЈЕВО
Кантонални завод за пружање
бесплатне правне помоћи

Bosnia and Herzegovina
Federation of Bosnia and Herzegovina

CANTON SARAJEVO
Cantonal Institute for Free Legal Aid

**IZVJEŠTAJ O RADU I FINANSIJSKOM POSLOVANJU
KANTONALNOG ZAVODA
ZA PRUŽANJE BESPLATNE PRAVNE POMOĆI
ZA 2024. GODINU**

Sarajevo, januar 2025. godine

I – UVODNI DIO	3
II – PROGRAMSKI DIO	3
III - NORMATIVNI DIO	5
IV – TEMATSKI DIO	5
V – FINANSIJSKI DIO	5
VI – KAPITALNI PROJEKTI	8
VII – OCJENA STANJA I POSTIGNUTIH REZULTATA	8
VIII – PROGRAMSKA ORIJENTACIJA	22
IX – IZVRŠENJE KONTINUIRANIH POSLOVA	23
X - PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI ZAVODA	23
XI - NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, GRADOM SARAJEVOM, OMBUDSMENIMA I NEVLADINIM SEKTOROM	29

Gramatička terminologija korištenja muškog i ženskog roda za pojmove u ovom Izvještaju uključuje oba roda.

I UVODNI DIO

Kantonalni Zavod za pružanje besplatne pravne pomoći Sarajevo (u daljem tekstu: Zavod) osnovan je donošenjem Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 30/11), kao samostalna upravna organizacija, te je utvrđen njegov djelokrug i početak rada. Odredbom člana 27. Zakona o ministarstvima i drugim organima uprave Kantona Sarajevo ("Službene novine Kantona Sarajevo", br. 40/22) propisano je da *Kantonalni Zavod za pružanje besplatne pravne pomoći vrši upravne i stručne poslove koji se odnose na pružanje besplatne pravne pomoći građanima lošeg imovinskog stanja na način i pod uslovima utvrđenim zakonom kojim se reguliše pružanje besplatne pravne pomoći.*

Zakon o pružanju besplatne pravne pomoći stvorio je pravni okvir i regulisao je oblike ostvarivanja besplatne pravne pomoći, korisnike besplatne pravne pomoći, postupke u kojima se pruža i u kojima se ne pruža besplatna pravna pomoć, postupak u ostvarivanju prava na besplatnu pravnu pomoć i druga pitanja od značaja za rad Zavoda u pružanju besplatne pravne pomoći. Na taj način prepoznata je potreba i nužnost uvođenja instituta besplatne pravne pomoći, te su, u cilju osiguranja principa jednakosti i nediskriminacije građana, kao i ispunjavanja međunarodnih standarda kroz pristup pravdi pred sudom i drugim organima, Vlada i Skupština Kantona Sarajevo stvorile pravni i institucionalni okvir za njegovo uspostavljanje i rad. Navedene aktivnosti predstavljaju ispunjavanje obaveza iz člana 8. stav 1. Ustava Kantona Sarajevo, kojim je regulisano da *će Skupština obezbijediti donošenje takvih propisa kojim će se u prvom redu zaštititi utvrđena ljudska prava i slobode, te uvesti efikasni instrumenti zaštite.*

Osnivanje Zavoda prvenstveno je imalo za cilj stvaranje uslova za institucionalno pružanje besplatne pravne pomoći u parničnom, vanparničnom, izvršnom i upravnom postupku i upravnom sporu, na način da se korisnicima omogući pristup pravdi pred sudom i drugim organima pod jednakim uslovima i bez diskriminacije.

Pored toga, pravne zastupnike Zavoda, u skladu sa odredbama Zakona o krivičnom postupku F BiH, nadležni sudovi u Kantonu Sarajevu postavljaju kao branioce po službenoj dužnosti u krivičnom i prekršajnom postupku.

II PROGRAMSKI DIO

Zavod je u cilju unapređenja pružanja besplatne pravne pomoći u velikoj mjeri realizovao planirane programske aktivnosti, kako slijedi:

❖ Kadrovska popuna

Popunjena su 2 (dva) upražnjena radna mjesta, i to:

- a) stručni savjetnik za pravne i kadrovske poslove (državni službenik)

b) viši referent – tehnički sekretar (namještenik).

Okončana je konkursna procedura za popunjavanje radnog mjesta stručni savjetnik - pravni zastupnik za pružanje besplatne pravne pomoći u upravnom postupku, upravnom sporu, parničnom, vanparničnom i izvršnom postupku pred Agencijom za državnu službu F BiH, te se očekuje skoro stupanje na rad izabranog kandidata.

❖ Edukacija pravnih zastupnika iz oblasti prava u kojima se pruža besplatna pravna pomoć

U 2024. godini stručno obrazovanje i usavršavanje zaposlenika Zavoda odvijalo se u skladu sa odobrenim budžetskim sredstvima i radnim obavezama državnih službenika. Kompletan prikaz predstavljen je u tabeli na stranici 26 i 27.

❖ Saradnja sa zavodima za pružanje besplatne pravne pomoći iz F BiH, centrima za besplatnu pravnu pomoć RS, nevladinim organizacijama, organima uprave i drugim institucijama sa područja Kantona Sarajevo

U toku 2024. godine otvoren je dijalog između Zavoda i UN-ove agencije za izbjeglice - UNHCR, u cilju uspostave saradnje.

Fokus razgovora bi je usmjeren na pružanje besplatne pravne pomoći licima pod međunarodnom zaštitom, a posebno tražiocima azila, licima pod supsidijarnom ili privremenom zaštitom i apatridima. U cilju postizanja konkretnijeg dogovora, održane su brojne edukacije, okrugli stolovi i seminari, a jedna edukacija održana je van granica BiH.

U toku je priprema nacrtu sporazuma / protokola o saradnji od strane UNHCR-a.

Nastavljena je efikasna saradnja i sa svim drugim gore navedenim organima.

❖ Informisanje javnosti o ciljevima rada Zavoda, ostvareno je:

- a) putem promotivnih letaka,
- b) putem web stranice.

❖ Izvršavanje kontinuiranih poslova

U toku 2024. godine, svi poslovi iz djelokruga Zavoda, koji se odnose na obaveze, zaduženja i odgovornosti konkretnog radnog mjesta, izvršavani su u skladu sa zakonskim, podzakonskim i drugim aktima i u skladu sa utvrđenim rokovima.

III NORMATIVNI DIO

Zavod za pružanje besplatne pravne pomoći nije imao programiranih i neprogramiranih nacrti i prijedloga zakona i/ili podzakonskih akata.

IV TEMATSKI DIO

I Nacrt Programa rada Kantonalnog Zavoda za pružanje besplatne pravne pomoći za 2025. godinu, broj 28-01-04-140/24 od 14.10.2024. godine, izrađen je u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 1/23) i u skladu sa utvrđenim rokovima.

II Program rada Kantonalnog Zavoda za pružanje besplatne pravne pomoći za 2024. godinu, broj 28-01-04-167-1/23 iz februara 2024. godine, izrađen je u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo", br. 23/21) i u skladu sa utvrđenim rokovima.

III Vlada Kantona Sarajevo, zaključkom broj 02-04-3479-5/24 od 8.2.2024. godine, prihvatila je Izvještaj o radu i finansijskom poslovanju Kantonalnog Zavoda za pružanje besplatne pravne pomoći za 2023. godinu. Izvještaj je upućen u daljnu proceduru.

IV Skupština Kantona Sarajevo je 21.2.2024. godini usvojila Izvještaj o radu i finansijskom poslovanju Kantonalnog Zavoda za pružanje besplatne pravne pomoći za 2022. godinu.

V FINANSIJSKI DIO

Planirani rashodi i izdaci Kantonalnog Zavoda za pružanje besplatne pravne pomoći u 2024. godini iznosili su 835.034,00 KM, a izvršeni su u iznosu od 764.926,62 KM, odnosno 91,60%.

Kantonalni Zavod za pružanje besplatne pravne pomoći finansira se isključivo iz budžetskih sredstava, a sve transakcije vrše se putem jedinstvenog računa Trezora, odnosno Ministarstva finansija Kantona Sarajevo.

Tabelarni pregled Budžeta / Finansijskog plana (*izvršenje januar-decembar 2024., izvršenje januar-decembar 2023., izvršenje u % za 2024.*), iskazan je u tabeli:

1	2	3	4	5	6
KONTO	OPIS	BUDŽET/ FINANCIJSKI PLAN	IZVRŠENJE	IZVRŠENJE	IZVRŠENJE %
		JAN-DEC 2024	JAN-DEC 2024	JAN-DEC 2023	(4/3)
	UKUPNO TEKUĆI IZDACI	824.934,00	758.768,64	626.276,95	91,98%
611000	Place i naknade troškova zaposlenih	632.677,00	604.799,45	496.082,04	95,59%
611100	Bruto place i naknade	573.577,00	561.361,89	461.398,98	97,87%
611200	Naknade troškova zaposlenih i skupštinskih zas	59.100,00	43.437,56	34.683,06	73,50%
XAA001	Naknada troškova prevoza na posao i s posla	8.300,00	6.625,00	5.777,00	79,82%
XAA002	Naknada za topli obrok	36.550,00	29.503,06	22.642,06	80,72%
XAA003	Naknada za regres za godišnji odmor	8.250,00	7.309,50	6.264,00	88,60%
XAA005	Naknada u slučaju smrti i teže invalidnosti	6.000,00	0,00	0,00	0,00%
612000	Doprinosi poslodavca	61.805,00	58.942,99	48.514,40	95,37%
613000	Izdaci za materijal, sitni inventar i usluge	130.452,00	95.026,20	81.251,20	72,84%
613100	Putni troškovi	8.000,00	1.848,70	2.592,00	23,11%
613200	Izdaci za energiju	9.000,00	4.820,34	5.290,98	53,56%
613300	Izdaci za komunalne usluge	6.000,00	5.607,20	4.129,82	93,45%
613400	Nabavka materijala i sitnog inventara	9.000,00	6.461,25	5.047,87	71,79%
613500	Izdaci za usluge prevoza i goriva	4.000,00	788,56	639,91	19,71%
613600	Unajmljivanje imovine, opreme i nematerijalne in	68.535,00	59.174,40	47.642,76	86,34%
613700	Izdaci za tekuće održavanje	5.000,00	2.929,08	987,65	58,58%
613800	Izdaci osiguranja i bankarskih usluga i usluga pla	3.800,00	878,77	733,87	23,13%
613900	Ugovorene usluge	17.117,00	12.517,90	14.195,24	73,13%
613900	Ugovorene usluge	12.000,00	7.948,86	10.862,04	66,24%
XAK001	Posebna naknada na dohodak za zaštitu od prin	2.017,00	1.764,28	1.454,08	87,47%
XAK002	Posebna naknada za podsticanje rehabilitacije i	3.100,00	2.804,76	2.308,50	90,48%
	UKUPNO TEKUĆI TRANSFERI	100,00	0,00	2.328,28	0,00%
614000	Tekuci transferi i drugi tekuci izdaci	100,00	0,00	2.328,28	0,00%
614800	Drugi tekuci rashodi	100,00	0,00	2.328,28	0,00%
	UKUPNO ZA NABAVKU STALNIH SRE	10.000,00	6.157,98	10.147,34	61,58%
821000	Izdaci za nabavku stalnih sredstava	10.000,00	6.157,98	10.147,34	61,58%
821300	Nabavka opreme	10.000,00	6.157,98	10.147,34	61,58%
	SVEUKUPNO RASHODI I IZDACI	835.034,00	764.926,62	638.752,67	91,60%
	Broj zaposlenih	13	11	11	

U IV kvartalu 2024. godine izvršena je preraspodjela Budžeta u ukupnom iznosu od 10.000,00 KM.

U pogledu *Izveštaja o finansijskoj reviziji Kantona Sarajevo za 2023. godinu*, koji je Zavodu dostavljen krajem 2024. godine, ističemo da nije bilo preporuka koje se eksplicitno odnose na djelatnosti koje obavlja Zavod.

Zavod će blagovremeno postupati po preporukama utvrđenim u *Izveštaju*, a koje se odnose na sve budžetske korisnike.

❖ Nabavka stalnih sredstava - Nabavka opreme

U 2024. godini izvršena je nabavka opreme u ukupnom iznosu od 6.157,98 KM.

❖ JAVNE NABAVKE

Provedeno je 55 (pedesetipet) postupaka javnih nabavki koje su izvršene na osnovu donesenog Plana javnih nabavki za 2024. godinu, te još pet izmjena i dopuna Plana javnih nabavki za 2024. godinu, a u skladu sa Zakonom o javnim nabavkama, Izmjenama i dopunama Zakona o javnim nabavkama i podzakonskim aktima. Javne nabavke su provedene putem postupka javne nabavke male vrijednosti - direktnog sporazuma.

Izuzetno od navedenog, postupci zakupa poslovnog i garažnog prostora, izuzeti su u skladu sa članom 10a stav (1) tačka a) Zakona o javnim nabavkama.

❖ NETO PLAĆA I DRUGA PRIMANJA

Tabelarni pregled neto plaća zaposlenika Zavoda za 2024. godinu, razvrstan po radnim mjestima:

NAZIV RADNOG MJESTA	KOEFICIJENT	OSNOVICA OBRAČUN PLAĆE	ZA IZNOS OSNOVNE PLAĆE
Direktor Zavoda od I-XII 2023	8,8	385,00	3.388,00
Pomoćnik direktora za upravni postupak, upravni spor, parnični, vanparnični i izvršni postupak	5,7	385,00	2.194,50
Pomoćnik direktora za krivični i prekršajni postupak	5,7	385,00	2.194,50
Stručni savjetnik - pravni zastupnik za upravni postupak, upravni spor, parnični, vanparnični i izvršni postupak	5,2	385,00	2.002,00
Stručni savjetnik - pravni zastupnik za krivični i prekršajni postupak	5,2	385,00	2.002,00
Stručni savjetnik za ekonomske poslove	4,10	385,00	1.578,50
Stručni savjetnik za pravne i kadrovske poslove	4,10	385,00	1.578,50
Stručni saradnik za pružanje besplatne pravne pomoći iz upravne i građanske oblasti	3,7	385,00	1.424,5
Viši referent - tehnički sekretar	2,7	385,00	1.039,50

Viši referent za administrativno - pravne poslove	2,7	385,00	1.039,50
Viši referent administrativno - tehničke poslove i poslove vozača - kurira	2,7	385,00	1.039,50

Pravni zastupnici Zavoda, u skladu sa odredbom člana 26. stav 4. Zakona o pružanju besplatne pravne pomoći, imaju pravo na uvećanje plaće u visini od 20% (zbog posebnih ovlaštenja i posebnih uslova rada).

Državni službenici i namještenici Zavoda, u skladu sa Kolektivnim ugovorom za državne službenike i namještenike u organima državne službe Kantona Sarajevo, imaju pravo na uvećanje plaće od 10% po osnovu posebne prirode posla (cjelodnevni rad sa strankama).

U toku 2024. godine, zaposlenicima koji su imenovani u komisije za izbor državnog službenika i namještenika u Zavodu (ukupno 3 komisije), isplaćene su naknade u skladu sa zakonskim i podzakonskim propisima.

VI KAPITALNI PROJEKTI

Zavod u 2024. godini nije imao kapitalnih projekata.

VII OCJENA STANJA POSTIGNUTIH REZULTATA

U Zavodu je ostvareno nekoliko značajnih napredaka, a zasluge za ostvarene rezultate u najvećoj mjeri pripadaju zaposlenicima Zavoda, čije je zalaganje, trud i rad u 2024. godini bio na visokom nivou.

S tim u vezi vrijedi istaknuti sljedeće:

1. pruženo je 1900 općih informacija putem telefona
2. pružena je 161 opća informacija putem e-maila
3. pruženo je 1276 općih informacija strankama koje su pristupile u prostorije Zavoda
4. formiran je ukupno 771 predmet za pružanje besplatne pravne pomoći po zahtjevu stranke, kojima je ujedno pružena i pomoć pri popunjavanju obrazaca za ostvarivanje prava na besplatnu pravnu pomoć.
5. U 54 predmeta omogućena je pravna pomoć zastupanja stranke u postupku pred sudom.
6. Troškovi pravnih radnji preduzetih u okviru građanskog sektora, mogu se iskazati u ukupnom iznosu od 180.905,00 KM što ukazuje na značajan angažman pravnih zastupnika Zavoda.
7. Troškovi pravnih radnji preduzetih u okviru krivičnog i prekršajnog sektora, mogu se iskazati u ukupnom iznosu od 309.827,00 KM, što predstavlja direktnu *uštedu* za Budžet KS.
8. Ostvarena je saradnja između Zavoda i Općine Ilijaš u vidu održavanja uredovnih dana (zaposlenici Zavoda jednom mjesečno obavljaju rad sa strankama na teritoriji općine Ilijaš, u prostorijama koje

nam je obezbijedila Općina Ilijaš). Saradnja je od značaja za stanovnike općine Ilijaš, koji zbog udaljenosti Zavoda, sada imaju olakšan pristup uslugama Zavoda.

U nastavku Izvještaja prikazaćemo stanje i postignute rezultate po organizacionim jedinicama:

❖ SEKTOR ZA UPRAVNI POSTUPAK, UPRAVNI SPOR, PARNIČNI, VANPARNIČNI I IZVRŠNI POSTUPAK (građanski sektor)

U izvještajnom periodu, Zavodu je podneseno ukupno 709 zahtjeva građana za pravnu pomoć iz svih oblasti, kojima je udovoljeno pružanjem stručnih pravnih savjeta o načinu i mogućnostima rješavanja konkretnog pravnog pitanja, od kojih je 284 stranaka upućeno u daljnju proceduru podnošenja zahtjeva. Pravni zastupnici su pored stručnosti iz različitih oblasti prava, iskazali i profesionalan pristup, naročito u smislu pokazanog senzibiliteta prema strankama, kao što su djeca, žrtve nasilja u porodici ili nasilja na osnovu spola, lica kojima je oduzeta poslovna sposobnost i duševno oboljelim licima, ratnim vojnim invalidima i civilnim žrtvama rata, korisnicima stalne novčane pomoći, uživaocima najniže penzije i licima slabog imovnog stanja.

U izvještajnom periodu, pravni zastupnici Zavoda su postupali u ulozi punomoćnika tužitelja/tuženog, odnosno punomoćnika predlagatelja/protivnika predlagatelja u 199 parničnih predmeta (ukupno u radu u izvještajnom periodu), u različitim oblastima prava, i to porodičnom, obligacionom, radnom, penzionom i stvarnom pravu, a u odnosu na novoformirane predmete u 2023. godini, razvrstano po oblastima prava, to izgleda ovako:

❖ UPRAVNI POSTUPAK

U izvještajnom periodu, pravni zastupnici Zavoda su postupali u ulozi punomoćnika podnositelja zahtjeva, punomoćnika predlagatelja, punomoćnika žalitelja u 104 upravna predmeta (ukupno u radu u izvještajnom periodu), u različitim oblastima prava, i to penzionom, socijalnom, porodičnom, obligacionom, radnom, stambenom, stvarnom, iz prava demobilisanih boraca, porodica šehida, nestalih i umrlih boraca, RVI, CŽR, prava učenika iz obrazovanja i dr.

U okviru upravnog postupka u 2024. godini, a u odnosu na novoformirane predmete, poduzete su pravne radnje – sačinjavanje podnesaka, i to:

- žalbe u postupku ostvarivanja prava po osnovu obaveznog osiguranja/starosna, porodična, invalidska penzija, promijenjene radne sposobnosti
- žalbe u postupku ostvarivanja naknade od osiguravajućeg društva po osnovu osiguranja imovine lica
- žalbe u postupku ostvarivanja prava branilaca i članova njihovih porodica po osnovu pripadnosti OS ARBIH/ pogibije/ nestanka /umiranja pripadnika OS ARBIH/RVI te oštećenja organizma RVI (egzestencijalna naknada, porodična invalidnina, lična invalidnina, pravo na njegu i pomoć drugog lica, ortopedski dodatak, zdravstvenu zaštitu, prioritetno stambeno zbrinavanje i dr.)

- izjašnjenja na nalaz, ocjenu i mišljenje Instituta za medicinsko vještačenje u postupku procjene invalidnosti RVI/NVI.
- žalbe u postupku ostvarivanja socijalnih prava na porodijsku naknadu, dječiji dodatak, stalnu novčanu pomoć, dodjelu starateljstva nad maloljetnim djetetom i dr.
- žalbe u postupku izricanja odgojno-disciplinske mjere redovnim učenicima
- žalbe u postupku iseljenja iz stana/prekida i obustave izvršenja rješenja o iseljenju
- žalbe u postupku ostvarivanja prava na dodjelu stana u vlasništvo, porodica šehida i poginulih boraca, RVI, dobitnika zlatnog lijana i dr. posebnih priznanja/odlikovanja,
- zahtjevi nadležnim općinama, upravama Kantona Sarajeva, FZ PIO KAS Sarajevo, preduzećima u postupku ostvarivanja prava na smještaj-dodjelom stana na korištenje ili zakup te postupku odgode/obustave postupka izvršenja rješenja o iseljenju iz stana
- zahtjevi nadležnim općinama/ministarstvima/upravama u Kantonu Sarajevo, poreskim upravama, FZ PIO, ZK uredima za dostavu raznih vrsta podataka neophodnih radi pokretanja parničnih/upravnih/izvršnih i vanparničnih postupaka
- prijave službi/upravi za inspeksijske poslove/urgencije
- zahtjevi za zaštitu prava iz radnog odnosa zaposlenika prema poslodavcu
- zahtjevi FZ PIO KAS Sarajevo, poreskoj upravi FBIH za utvrđivanje staža osiguranja, obračun i uplatu neuplaćenih doprinosa od strane osiguranika, za povrat više uplaćenih novčanih sredstava na ime doprinosa
- zahtjev za isplatu naknade općini na ime oduzetog zemljišta
- izjašnjenja na ponudu o poravnanju u vezi duga po osnovu kredita mikrokreditnih organizacija

Uočeno je da se najveći broj poduzetih radnji odnosi na sastav žalbi protiv rješenja kojima je odbijen zahtjev za ostvarivanje prava po osnovu osiguranja iz Zakona o penzijsko-invalidskom osiguranju FBIH. Žalbe su u najvećem broju usvojene, te su osiguranici u ponovnom postupku, uz dopunu određenih dokaza, ostvarili svoje pravo.

U izvještajnom periodu povećan je broj zahtjeva i aktivnosti u oblasti upravnog postupka, sa 85 na 99, što predstavlja povećanje od 16,47%.

❖ UPRAVNI SPOR

U okviru upravnog spora u 2024. godini, a u odnosu na novoformirane predmete, poduzete su pravne radnje – sačinjavanje podnesaka, i to:

- tužbe radi poništenja rješenja u vezi ostvarivanja prava po osnovu osiguranja-zajamčene penzije, ostvarivanja prava člana porodice šehida na dodjelu stana u vlasništvo, ostvarivanje prava na starateljstvo nad maloljetnim djetetom člana uže porodice,
 - urgencije.
- ❖ Pravna pomoć zastupanja korisnika odobrena je u 54 predmeta, (52 parnična i 2 vanparnična predmeta). Zastupanje korisnika besplatne pravne pomoći zahtijeva mogo veću angažovanost pravnih zastupnika u pripremi predmeta. Naime, priprema obuhvata prikupljanje dokaza, sačinjavanje pismena, pomoć korisniku besplatne pravne pomoći i svjedocima u postupku

provođenja dokaza saslušanjem parničnih stranaka i svjedoka, odlazak na ročište, izjašnjenje na nalaz mišljenje vještaka, pribavljanje klauzula pravomoćnosti i izvršnosti, ulaganje pravnih lijekova, izjašnjenje na pravne lijekove, redovna komunikacija sa korisnicima o stanju u predmetu, i dr., za šta je potrebno mnogo vremena, predan, stručan i profesionalan rad pravnih zastupnika kako bi se ostvarili najbolji rezultati rada.

- ❖ U izvještajnom periodu pravni zastupnici pristupili su na 142 ročišta (81 u 2023. godini), što predstavlja povećanje od 75,30%. U radu u 2024. godini bilo je ukupno 199 parničnih predmeta, 120 novozaprmljenih predmeta i 79 prenesenih predmeta.

❖ PARNIČNI POSTUPAK

❖ Porodično pravo

U okviru parničnog postupka iz porodičnog prava u 2024. godini, a u odnosu na novoformirane predmete, poduzete su pravne radnje - sačinjavanje podnesaka i zastupanje, i to u postupcima:

- razvoda braka sa uređenjem prava u odnosu na djecu i izdržavanje
- razvoda braka bez djece (tužba/sporazumni prijedlog)
- razvoda braka sa uređenjem prava u odnosu na supružinsko izdržavanje
- tužbe/odgovor na tužbe za staranje, održavanje kontakata i visine izdržavanja maloljetne djece iz vanbračne zajednice
- tužbe/odgovor na tužbe za izmjenu odluke o povjeri maloljetnog djeteta na staranje, viđanje i utvrđivanje visine izdržavanja zbog promijenjenih okolnosti
- utvrđivanja i podjela bračne stečevine
- utvrđivanja/osporavanja očinstva sa uređenjem kontakata između maloljetnog djeteta i roditelja sa kojim ne živi, kao i izdržavanja djeteta i vanbračnog partnera
- utvrđivanje visine izdržavanja maloljetnog djeteta po osnovu strane sudske odluke o razvodu braka
- tužbe radi utvrđivanja statusa vanbračne zajednice
- prijedlog/tužba za vraćanje djece po Konvenciji o građansko-pravnim aspektima međunarodne otmice djece (Hag od 25.10.1980. godine).

Uočeno je povećanje broja zahtjeva iz sljedećih oblasti prava:

- utvrđivanje/osporavanje očinstva sa uređenjem kontakata između maloljetnog djeteta i roditelja sa kojim ne živi, kao i izdržavanje maloljetnog djeteta,
- povjeru i izdržavanje djece iz vanbračne zajednice i
- na razvod braka sa uređenjem prava u odnosu na djecu i izdržavanje.

U 2024. godini je po prvi put odobrena pravna pomoć stranom državljaninu, koja se odnosi na zastupanje pred Općinskim sudom u Sarajevu u postupku vraćanja maloljetne djece po Konvenciji o građansko-pravnim aspektima međunarodne otmice djece.

Bosna i Hercegovina je potpisnica navedene Konvencije, pa je u skladu sa članom 25. Zakona o ratifikaciji Konvencije o građansko-pravnim aspektima međunarodne otmice djece („Službeni list SFRJ-Međunarodni ugovori“, broj 7/91 od 12. jula 1991. godine), kojim je propisano da državljani država ugovornica i osobe koje su nastanjene u tim državama imaju pravo na pravnu pomoć i savjetodavne usluge o pitanjima u vezi s primjenom ove Konvencije u bilo kojoj državi ugovornici uz iste uvjete kao i domaći državljani i osobe stalno nastanjene u toj državi, to je shodno članu 9. stav (1) tačka c) Zakona o pružanju besplatne pravne pomoći Kantona Sarajeva odobrena besplatna pravna pomoć, jer se radi o licu čija su prava zaštićena odredbama Konvencije o građansko-pravnim aspektima međunarodne otmice djece. U predmetnoj pravnoj stvari donesena je presuda na koju je uložena žalba, te je postupak po žalbi pred Kantonalnim sudom u Sarajevu u toku. Sva komunikacija vezana za preuzimanje predmeta ostvarena je putem Centralnog izvršnog organa Republike Francuske i Centralnog organa BiH/Ministarstva pravde BiH.

U izvještajnom periodu je u 62 predmeta iz porodičnog prava, zbog teške finansijske situacije korisnika, sačinjen zahtjev za oslobađanje od plaćanja sudske takse.

❖ Obligaciono pravo

U okviru parničnog postupka iz obligacionog prava u 2024. godini, a u odnosu na novoformirane predmete, poduzete su pravne radnje - sačinjavanje podnesaka, i to:

- odgovori na tužbu po osnovu duga na ime komunalnih usluga/održavanja zajedničkih dijelova zgrada i prostorija, korištenja telefona,
- odgovor na prijedlog za ponavljanje postupka radi duga po osnovu naknade nematerijalne štete,
- sastav odgovora na tužbu i zastupanje zakonskog nasljednika radi povrata duga ne ime odobrenog kredita predniku

❖ Radno i penziono pravo

U okviru parničnog postupka iz oblasti radnog i penzionog prava u 2024. godini, a u odnosu na novoformirane predmete, poduzete su pravne radnje - sačinjavanje podnesaka, i to:

- Tužba radi utvrđenja diskriminacije i naknade štete.

U toku 2024. godine okončana su dva predmeta radi naplate doprinosa, u sudskom postupku su zaključene sudske nagodbe u korist stranaka koje su zastupali pravni zastupnici Zavoda, te je izvršena uplata po navedenim nagodbama, a osiguranici su ostvarili svoje pravo na starosnu penziju.

❖ Stvarno pravo

U okviru parničnog postupka iz oblasti stvarnog prava u 2024. godini, a u odnosu na novoformirane predmete, poduzete su pravne radnje - sačinjavanje podnesaka, i to:

- Tužba radi utvrđenja prava stvarne služnosti puta/prolaza

U toku 2024. godine okončana su dva predmeta iz stambene oblasti. Predmeti su se odnosili na iseljenje i predaju u posjed stana u korist tuženih, koje su zastupali pravni zastupnici Zavoda.

U prvom slučaju sud je zauzeo stav da je pravo na dom fizičke osobe jače od vlasničkih prava vlasnika kao javne vlasti u smislu člana 8. Evropske konvencije za zaštitu ljudskih prava i osnovnih sloboda, tako da je tužena nastavila nesmetano da koristi stan u kojem je živjela.

U drugom slučaju, zbog apsolutne nenadležnosti suda za rješavanje po tužbenom zahtjevu tužitelja, predmet je riješen u upravnom postupku, koji je vodio ovaj Zavod, na način da tuženi ne budu iseljeni, odnosno da mogu ostati i koristiti stan.

❖ VANPARNIČNI POSTUPAK

U izvještajnom periodu, pravni zastupnici Zavoda su postupali u ulozi punomoćnika predlagatelja u 22 vanparnična predmeta (ukupno u radu u izvještajnom periodu), u različitim oblastima prava, i to nasljednom, porodičnom, stvarnom i zemljišnoknjižnom.

U okviru vanparničnog postupka u 2024. godini, a u odnosu na novoformirane predmete, poduzete su pravne radnje – sačinjavanje podnesaka, i to:

- prijedlozi za oduzimanje poslovne sposobnosti
- prijedlozi za davanje saglasnosti za zaključenje braka
- prijedlozi za raspravljanje zaostavštine, donošenje rješenja o nasljeđivanju i učešće u ostavini
- prijedlozi za donošenje prezumtivnog rješenja o nasljeđivanju
- zahtjevi zemljišno-knjižnim uredima / sudu za ispravku imena/prezimenaa u zk ulošku
- prijedlozi za fizičku diobu,
- prijedlog za određivanje kontakata maloljetnog djeteta sa nanom/bakom
- prijedlozi za sastav sudskog testamenta
- prijedlozi za ispravku rješenja o nasljeđivanju i dr.

❖ IZVRŠNI POSTUPAK


U izvještajnom periodu, pravni zastupnici Zavoda su u ulozi punomoćnika tražioca izvršenja /izvršenika postupali u 44 izvršna predmeta (ukupno u radu u izvještajnom periodu), u različitim oblastima prava, i to, porodičnom, stvarnom, obligacionom.

U okviru izvršnog postupka u 2024. godini, a u odnosu na novoformirane predmete, poduzete su pravne radnje - sačinjavanje podnesaka, i to:

- prijedlozi za izvršenje radi naplate izdržavanja maloljetne djece/supružinskog izdržavanja na novčanom potraživanju/putničkom motornom vozilu/nekretninama izvršenika
- prijedlog za izvršenje radi prinudnog viđanja djeteta
- prigovori na rješenja o izvršenju radi naplate duga po osnovu komunalnih usluga/kredita
- žalbe na rješenja o izvršenju
- zahtjevi nadležnim organima za dostavu podataka radi određivanja/predlaganja predmeta i sredstva izvršenja, dostave adrese izvršenika, nastavka postupka izvršenja i dr.
- molbe za izmirenje duga u ratama sa otpisom kamata
- opomena pred izvršenje radi naplate izdržavanja
- prijedlog za povrat u predašnje stanje i nastavak postupka izvršenja

Povećan je rast broja zahtjeva u ovoj oblasti za 16,66%.

❖ Troškovi pravnih radnji u okviru građanskog sektora, prikazani su u tabeli:



❖ SEKTOR ZA KRIVIČNI I PREKRŠAJNI POSTUPAK

❖ KRIVIČNI REFERAT

Pravni zastupnici iz krivičnog referata nalaze se na Listi branilaca po službenoj dužnosti koju formira Ministarstvo pravde i uprave Kantona Sarajevo i kao takvi zastupaju pred Općinskim sudom u Sarajevu i Kantonalnim sudom u Sarajevu u predmetima koji se vode protiv punoljetnih i maloljetnih lica.

U izvještajnom periodu, nadležni sudovi su u 156 krivičnih predmeta postavili zaposlenike Zavoda kao braniocce po službenoj dužnosti.

U 33 predmeta postupano je po zahtjevima stranaka, od čega su 32 prešla u K-fazu, a samo 1 je okončan usmenim pravnim savjetom.

Tokom izvještajnog perioda, u radu se nalazilo 188 novih predmeta te 147 predmeta iz ranijih godina. Od ukupno 335 predmeta okončan je 121 predmet.

U okviru krivičnog referata pristupljeno je na 598 pretresa pred nadležnim sudovima Kantona Sarajevo.

Pravni zastupnici su u ulozi branioca obavljali sve neophodne radnje na pripremi odbrane, učestvujući u svim fazama postupka, od postupanja u istrazi do postupanja u sudskom postupku, koje obuhvataju:

- ispitivanje osumnjičenih lica,
- prisustvo radnjama dokazivanja,
- rad na terenu, nerijetko i izvan Kantona Sarajevo radi komunikacije i stupanja u kontakt sa osumnjičenim/optuženim licima,
- prikupljanje dokaza,
- posjete pritvorenicima u KPZ Zenica, KPZ Mostar, KPZ Ustikolina
- pristupanje nadležnim sudovima, policijskim stanicama i policijskim upravama te Kantonalnom tužilaštvu Kantona Sarajevo i drugim nadležnim tijelima.

U krivičnim predmetima u kojima su pravni zastupnici postupali kao branioci, primjetne su različite vrste krivičnih djela, a razvrstano po oblastima, to izgleda ovako:

- ❖ Krivična djela protiv života i tijela
 - Teško ubistvo u pokušaju
 - Ubistvo
 - Ubistvo u pokušaju
 - Teška tjelesna povreda
 - Laka tjelesna povreda
 - Učestvovanje u tuči
- ❖ Krivična djela protiv slobode i prava čovjeka i građanina
 - Ugrožavanje sigurnosti
- ❖ Krivična djela protiv spolne slobode i morala
 - Bludne radnje
 - Trgovina ljudima
- ❖ Krivična djela protiv braka, porodice i mladeži
 - Nasilje u porodici

- ❖ Krivična djela protiv zdravlja ljudi
 - Neovlaštena proizvodnja i stavljanje u promet opojnih droga
 - Posjedovanje i omogućavanje uživanja opojnih droga

- ❖ Krivična djela protiv privrede, poslovanja i sigurnosti platnog prometa:
 - Obmana pri dobijanju kredita ili drugih pogodnosti

- ❖ Krivična djela iz oblasti poreza
 - Porezna utaja

- ❖ Krivična djela protiv imovine
 - Krađa
 - Razbojništvo
 - Utaja
 - Oštećenje tuđe stvari
 - Prevara
 - Paljevina

- ❖ Krivična djela protiv opće sigurnosti ljudi i imovine
 - Izazivanje opće opasnosti
 - Teška krivična djela protiv opće sigurnosti ljudi i imovine

- ❖ Krivična djela protiv sigurnosti javnog prometa
 - Ugrožavanje javnog prometa
 - Teška krivična djela protiv sigurnosti javnog prometa
 - Neukazivanje pomoći osobi ozlijeđenoj u saobraćajnoj nesreći

- ❖ Krivična djela protiv pravosuđa
 - Pomoć učinitelju poslije učinjenog krivičnog djela
 - Neizvršenje sudske odluke

- ❖ Krivična djela protiv javnog reda i pravnog prometa
 - Napad na službenu osobu u vršenju poslova sigurnosti
 - Nasilničko ponašanje
 - Krivotvorenje isprave

- ❖ Krivična djela podmićivanja i krivična djela protiv službene i druge odgovorne funkcije
 - Zloupotreba položaja ili ovlašćenja
 - Pronevjera u službi
 - Prevara u službi
- ❖ Predmeti sa inostranih sudova - priznanje strane sudske odluke, transfer osuđenih lica, izvršenje kazne po odluci inostranog suda u Bosni i Hercegovini
- ❖ Predmeti u kojima su pravni zastupnici Zavoda postupali u ulozi savjetnika svjedocima u krivičnom postupku
- ❖ Predmeti u kojima su pravni zastupnici Zavoda u ulozi savjetnika postavljeni svjedocima u istražnom postupku Kantonalnog tužilaštva Kantona Sarajevo.

Predmeti po zahtjevima stranaka odnosili su se na sačinjavanje zahtjeva za:

- brisanje osuda,
- krivičnih prijava,
- uvjetni otpust i premještaj iz kazneno-popravnih ustanova,
- pristup informacijama i
- izdržavanje kazne zatvora kao kućnog zatvora sa elektronskim nadzorom.

Tokom 2024. godine, primijećen je rast broja predmeta za krivično djelo *nasilje u porodici* te naročit rast broja pritvorskih predmeta. U 2024. godini zaprimljeno je 55 pritvorskih predmeta po kome je Kantonalno tužilaštvo Kantona Sarajevo podnijelo prijedlog za određivanje mjere pritvora što predstavlja povećanje od 44,74% u odnosu na 2023. godinu. Pritvorski predmeti su posebno zahtjevni, imajući u vidu hitno i ekspresno djelovanje, kratke rokove za postupanje i sl.

Značajan je porast ukupnog broja krivičnih predmeta u 2024. godini. Povećanje iznosi 38,24%.

Pravni zastupnici preuzeli su i predmete u kojima je Kantonalni sud u Sarajevu postupao kao prvostepeni sud, i to krivično djelo *ubistvo* i *teško ubistvo u pokušaju*, u kom je slučaju došlo do donošenja odbijajuće sudske odluke kao i predmeta *trgovina ljudima*, a koja djela predstavljaju teška krivična djela i zahtijevaju poseban angažman branilaca u pripremanju odbrane.

Zastupnici krivičnog referata su tokom 2024. godine prošli kroz obuku Vijeća Evrope te su dobili i priznanje, odnosno *Help certificate Council of Europe Programme on Human Education for Legal Professionals*.

Certificiranje je od značaja i u predmetu koji se vodi pred Kantonalnim sudom u Sarajevu kao prvostepenim po krivičnom djelu *trgovina ljudima* koji predstavlja obiman predmet u koji su uključeni istražni organi više kantona na području Bosne i Hercegovine, policijskih tijela i tužilaštava.

❖ PRIPREMNI POSTUPAK PREMA MALOLJETNIM LICIMA

U predmetima prema maloljetnim licima, branioci postupaju od prvog ispitivanja te poduzimaju sve radnje tokom cijelog pripremnog postupka, u skladu sa odredbama Zakona o zaštiti i postupanju sa djecom i maloljetnicima u krivičnom postupku FBiH.

U izvještajnom periodu zaprimljeno je 49 predmeta, u kojima je pokrenut pripremini postupak spram maloljetnih lica. Većina ovih predmeta okončana je u fazi pripremnog postupka, a nakon provođenja radnji Kantonalnog tužilaštva i odbrane, tako da ovi predmeti, iz razloga cjelishodnosti i najboljeg interesa maloljetnika, primjenjujući odredbe Zakona o zaštiti i postupanju sa djecom i maloljetnicima u krivičnom postupku, nisu dobili epilog na sudu.

U sudskim postupcima prema maloljetnim licima izricane su blaže mjere - odgojne mjere, te u ovom sektoru nismo imali niti jednu kaznu maloljetničkog zatvora.

❖ PREKRŠAJNI REFERAT

Pravni zastupnici iz prekršajnog referata nalaze se na Listi branilaca po službenoj dužnosti koju formira Ministarstvo pravde i uprave Kantona Sarajevo, i kao takvi zastupaju pred Općinskim sudom u Sarajevu u predmetima koji se vode protiv punoljetnih i maloljetnih lica.

Tokom 2024. godine zaprimljen je 101 novi predmet, a iz ranijih godina prenesena su 34 predmeta, pa je u radu bilo ukupno 135 predmeta.

Nadležni sud je u 81 prekršajnom predmetu postavio pravnog zastupnika ovog sektora kao branioca po službenoj dužnosti.

U 29 predmeta postupano je po zahtjevu stranaka, od čega je 20 prešlo u Pr-fazu, a 9 je završeno davanjem usmenog pravnog savjeta.

Pravni zastupnik pristupio je na 104 ročišta.

Prekršajni postupci vođeni su za:


- prekršajna djela iz Zakona o prekršajima protiv javnog reda i mira KS
- prekršajna djela iz Zakona o osnovama bezbjednosti saobraćaja na putevima u BiH
- prekršajna djela iz Zakona o nabavljanju, držanju i nošenju oružja i municija.

Odluke nadležnog suda u gore navedenim predmetima bile su *odgojne mjere, prekršajne sankcije (ukor, uslovna novčana kazna i novčana kazna)*, a bilo je i 10 obustava postupka.

U predmetima po zahtjevu stranaka sačinjeni su:

- prijedlozi za obustavu postupka lišenja slobode,
- prijedlozi za povrat u prijašnje stanje,

- zahtjevi za pristup informacijama,
- redovni i vanredni pravni lijekovi.
- ❖ Troškovi pravnih radnji u okviru Sektora za krivični i prekršajni postupak u 2024. i 2023. godini, iskazani su u tabeli:




Iz navedenog proizilazi da se *ušteta* u Budžetu Kantona Sarajevo na ime zastupanja po službenoj dužnosti može iskazati u ukupnom iznosu od 409.768,00 KM.

Evidentno je da su se pravni zastupnici Sektora za krivični i prekršajni postupak angažirali u potpunosti, koristeći sve raspoložive kapacitete i načine komunikacije sa pravosudnim i drugim nadležnim organima i klijentima, a u svrhu efikasnosti i uspješnog vođenja postupaka, pa se uspjeh ovog Sektora, u najvećoj mjeri, pripisuje upravo njima.

→ U nastavku teksta, prikazane su 2 (dvije) tabele.

1. Tabela u prilogu daje uvid u broj zaprimljenih predmeta u 2024. i 2023. godini, u oba sektora po vrsti postupka:



2. Tabela u prilogu daje uvid u ukupan broj predmeta u radu u 2024. godini, kao i druge relevantne podatke:

REDNI BROJ	VRSTA POSTUPKA	BROJ PRENESENIH PREDMETA IZ 2023.	BROJ ZADUŽENIH PREDMETA U 2024.	UKUPAN BROJ PREDMETA	BROJ PREDMETA U RADU	OKONČANI PREDMETI U 2024.
1.	PARNIČNI POSTUPAK	79	120	199	55	144
2.	VANPARNIČNI POSTUPAK	2	20	22	1	21
3.	IZVRŠNI POSTUPAK	2	42	44	3	41
4.	UPRAVNI POSTUPAK	5	99	104	7	97
5.	UPRAVNI SPOR	0	4	4	0	4
6.	PREKRŠAJNI POSTUPAK	34	101	135	36	99
7.	KRIVIČNI POSTUPAK	147	188	335	214	121
8.	ZAHTJEVI	0	771	771	0	771
9.	UKUPNO	269	1345	1614	316	1298

❖ POSLOVI U IZVAN ORGANIZACIONOJ JEDINICI - PRIJEMNA KANCELARIJA

❖ Poslovi pisarnice - prijem i otprema pošte, vođenje upisnika, ažuriranje spisa i njihovo arhiviranje

Obaveza vođenja predmeta i evidencija u manuelnoj i elektronskoj formi utvrđena je članom 8. Zakona o pružanju besplatne pravne pomoći, Pravilnikom o obrascima, načinu vođenja i sadržaju evidencija o pruženoj pravnoj pomoći i propisima kojima se reguliše kancelarijsko poslovanje.

S tim u vezi, ističemo da je:

- ❖ 196 predmeta zavedeno u djelovodnik predmeta i akata
- ❖ 5959 predmeta upisana u glavnu internu dostavnu knjigu
- ❖ 2856 predmet upisan i evidentiran u elektronsku bazu i u odgovarajući upisnik, i to:
 - ◆ Upisnik Općih informacija: 1276
 - ◆ Upisnik Zahtjevi: 771
 - ◆ Upisnik Parnica: 120
 - ◆ Upisnik Izvršni predmeti: 42
 - ◆ Upisnik Vanparnični predmeti: 20
 - ◆ Upisnik Upravni predmeti: 99
 - ◆ Upisnik Upravni spor: 4
 - ◆ Upisnik Službena dužnost: 237
 - ◆ Upisnik Prekršajni predmeti: 101
 - ◆ Upisnik Krivični predmeti: 188

Izvršena je otprema 782 raznih pismena.

U toku izvještajnog perioda obavljani su i svi drugi administrativno - tehnički i administrativno – pravni poslovi iz opisa radnog mjesta, u skladu sa zakonskim i podzakonskim propisima i u skladu sa utvrđenim rokovima.

VIII PROGRAMSKA ORIJENTACIJA

U budućem periodu, programska orijentacija i aktivnosti Zavoda biće usmjerene na:

1. optimalan i učinkovit angažman postojećeg kadrovskog kapaciteta u obavljanju poslova iz nadležnosti Zavoda,
2. edukaciju kadrova iz svih oblasti prava u kojima se pruža besplatna pravna pomoć, a posebno edukaciju iz oblasti prava koje uređuju odnose lica pod međunarodnom zaštitom - tražioce azila, lica pod supsidijarnom ili privremenom zaštitom, apatridima i žrtvama trgovine ljudima,
3. povećanje *vidljivosti* Zavoda putem raznih sredstava komunikacije/medija.

Posebna pažnja i dalje će biti usmjerena na praćenje rada i radnih procesa u Zavodu, na temelju kojeg će se moći planirati eventualno daljnje kadrovsko jačanje i preduzimati sve druge nepohodne radnje.

IX IZVRŠENJE KONTINUIRANIH POSLOVA

- ❖ **PRVOSTEPENO UPRAVNO RJEŠAVANJE** - Zakon o pružanju besplatne pravne pomoći ("Sl. novine Kantona Sarajevo", br. 1/12, 26/14, 40/17 i 19/23) i Zakon o upravnom postupku F BiH ("Službene novine FBiH", br. 2/98, 48/99, 61/22 i 19/23)

- Poslovi odobravanja besplatne pravne pomoći

Poslovi odobravanja besplatne pravne pomoći odnose se na odlučivanje po zahtjevima stranaka za odobravanje besplatne pravne pomoći u propisanim rokovima.

- ❖ **NADZOR NAD PROVOĐENJEM ZAKONA IZ NADLEŽNOSTI KANTONALNIH ORGANA** – Zakon o inspekcijama Kantona Sarajevo ("Sl. novine Kantona Sarajevo", br. 2/17 i 37/21)

- U toku 2024. godine, Ministarstvo pravde i uprave - Upravni inspektorat izvršio je 1 (jedan) inspekcijski nadzor u Zavodu, i to:

→ Nadzor od 31.10.2024. godine, broj 03-05-04-16123/24 (redovni)

- ❖ **NADZOR NAD ZAKONITOŠĆU AKATA KOJIM SE RJEŠAVA U UPRAVNIM STVARIMA – DRUGOSTEPENO UPRAVNO RJEŠAVANJE** - Zakon o upravnom postupku F BiH ("Službene novine FBiH", br. 2/98, 48/99 i 61/22) i Zakon o pružanju besplatne pravne pomoći ("Sl. novine Kantona Sarajevo", br. 1/12, 26/14, 40/17 i 19/23)

U 2024. godini nije bilo podnesnih žalbi na rješenja Zavoda.


X PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI KANTONALNOG ORGANA

Unutrašnja organizacija Zavoda, kao samostalne upravne organizacije, organizovana je i regulisana Pravilnikom o unutrašnjoj organizaciji broj 28-01-02-175/2021 od 15.12.2021. godine, kroz sljedeće organizacione jedinice i to:

- ❖ Sektor za upravni postupak, upravni spor, parnični, vanparnični i izvršni postupak
- ❖ Sektor za krivični i prekršajni postupak i
- ❖ Izvan organizaciona jedinica.

Shematski prikaz:

KANTONALNI ZAVOD ZA PRUŽANJE BESPLATNE PRAVNE POMOĆI



Od 15 sistematizovanih radnih mjesta, sa danom 31.12.2024. godine popunjeno je 12 (dvanaest), a nepopunjeno 3 (tri) radna mjesta.

POPUNJENOST SISTEMATIZOVANIH RADNIH MJESTA

Naziv radnog mjesta	Predviđeno	Popunjeno	Upraznjeno
Direktor Kantonalnog Zavoda za pružanje besplatne pravne pomoći	1	1	0
Pomoćnik direktora za upravni postupak, upravni spor, parnični, vanparnični i izvršni postupak	1	1	0
Pomoćnik direktora za krivični i prekršajni postupak	1	1	0
Stručni savjetnik-pravni zastupnik za pružanje besplatne pravne pomoći za upravni postupak, upravni spor, parnični, vanparnični i izvršni postupak	3	1	2
Stručni savjetnik-pravni zastupnik za pružanje besplatne pravne pomoći za krivični i prekršajni postupak	2	2	0
Stručni saradnik za pružanje besplatne pravne pomoći iz upravne i građanske oblasti	1	1	0
Stručni saradnik za pružanje besplatne pravne pomoći iz krivične i prekršajne oblasti	1	0	1
Stručni savjetnik za ekonomske poslove	1	1	0
Stručni savjetnik za pravne i kadrovske poslove	1	1	0
Viši referent - tehnički sekretar	1	1	0
Viši referent za administrativno - pravne poslove	1	1	0
Viši referent za administrativno - tehničke poslove i poslove vozača - kurira	1	1	0
UKUPNO	15	12	3

POPUNJENOST PO STATUSU UPOSLENIKA

Status uposlenika	Predviđeno	Popunjeno	Upraznjeno
Rukovodilac samostalne kantonalne upravne organizacije	1	1	0
Državni službenik	11	8	3
Namještenik	3	3	0
UKUPNO	15	12	3

❖ Stručno obrazovanje i usavršavanje pravnih zastupnika

U cilju kontinuiranog edukovanja i usavršavanja znanja i vještina zaposlenika Zavoda, u oblastima prava iz kojih pružaju pravne usluge, zaposlenici su u 2024. godini prisustvovali mnogobrojnim seminarima, edukacijama, okruglim stolovima i dr., što je evidentirano u tabeli u prilogu:

Redni broj	Tema	Organizator
1.	Unapređenje pravnog zastupanja i pristupa pravdi u slučajevima trgovine ljudima	Ministarstvo pravde BIH
2.	Mehanizmi putem kojih se može ostvariti zaštita prava iz radnih odnosa	Udruženje „Dignitet“
3.	Aktuelnosti u javnim nabavkama sa praktičnim primjerima i radionicama	Nautilus consulting
4.	Koje mjere preduzeti protiv seksualnog uznemiravanja na radnom mjestu	Udruženje "Dignitet"
5.	Tranziciona pravda i civilne žrtve rata - prava, pravna pomoć i podrška	Centar za ljudska prava u Mostaru
6.	XXII savjetovanje iz krivičnopravne oblasti	Udruženje sudija/sudaca FBIH
7.	Microsoft Office 365 obuka za moderno radno mjesto	Zavod za informatiku i statistiku Kantona Sarajevo
8.	Međunarodno iskustvo: Suočavanje sa diskriminacijom u Holandiji i BiH	Fondacija lokalne demokratije uz podršku Kraljevine Nizozemske
9.	XVIII savjetovanje iz oblasti građanskog prava	Udruženje sudija RS
10.	Izvršenje krivičnih sankcija i alternativne sankcije kućnog zatvora sa elektronskim nadzorom	Javna ustanova Centar za edukaciju sudija i tužilaca
11.	Aktuelna pitanja iz prekršajne oblasti	Javna ustanova Centar za edukaciju sudija i tužilaca
12.	Uzroci i posljedice seksualnog nasilja, pravni okvir seksualnog nasilja i uloga svih aktera u otkrivanju i dokazivanju seksualnog nasilja	Fondacija lokalne demokratije

13.	Primjena propisa u oblasti nasilja u porodici i nasilja nad ženama podrška implementaciji domaćih i međunarodnih dokumenata	Agencija za državnu službu FBIH
14.	Izuzetna primjene Zakona o javnim nabavkama i novine	Agencija za državnu službu FBIH
15.	Rješavanje problema u obradi pošte	Orka d.o.o.
16.	Prava žena izbjeglica	Vaša prava/ IRZ
17.	Sistem besplatne pravne pomoći – pristup besplatnoj pravnoj pomoći za prinudno raseljena lica i lica bez državljanstva	Vaša prava
18.	Oduzimanje i vraćanje poslovne sposobnosti s osvrtom na zadržavanje lica u zdravstvenoj ustanovi	Centar za edukaciju sudija i tužilaca
19.	Pristup pravdi za žrtve trgovine ljudima - prava, pravna pomoć i podrška	Centar za ljudska prava u Mostaru
20.	Ekonomsko osnaživanje žena	Deutsche Gesellschaft für internationale Zusammenarbeit GIZ
21.	Uvod u međunarodno izbjegličko pravo i pravno pomoć za prisilno raseljena lica i lica bez državljanstva u BiH	UNHCR
22.	Pružanje besplatne pravne pomoći izbjeglicama i strancima kojima je odobrena supsidijarna zaštita u postupcima ostvarivanja prava	VAŠA PRAVA I UNHCR
23.	Prezentacija Specijalnog izvještaja vezi sa sprečavanjem rizika apatridije u Bosni i Hercegovini	VAŠA PRAVA, UNHCR I OMBUDSMAN ZA LJUDSKA PRAVA

U skladu sa očekivanim rastom broja korisnika, očekujemo i sve veći broj predmeta iz raznih oblasti prava koje do sada nisu bile predmetom rada u Zavodu.

U tom smislu posebna pažnja će biti posvećena planiranju edukacija pravnih zastupnika.

Multidisciplinarni pristup *žrtvama nasilja u porodici ili nasilja na osnovu spola* je također sveprisutnija tema u našem društvu, radi čega su zaposlenici Zavoda tokom 2024. godine prisustvovali raznim edukacijama, okruglim stolovima i seminarima na ovu temu.

Pravni zastupnik iz Sektora za krivični i prekršajni postupak imenovan je u Operativno tijelo za prevenciju, zaštitu i borbu protiv nasilja u porodici u Kantonu Sarajevo.

❖ RADNA MJESTA KOJA SE PLANIRAJU POPUNITI

Radno mjesto koje se planira popuniti u 2025. godini (u budžetskom zahtjevu za 2025. godinu tražena su budžetska sredstva za ovu namjenu), sa podacima o nazivu radnog mjesta, planiranom broju izvršilaca i potrebnim kvalifikacijama - stručnom spremom i kratkim obrazloženjem, prikazana su u tabeli:

1.	Sistematizovani broj radnih mjesta	15
2.	Popunjeni broj radnih mjesta	12 (čeka se stupanje na rad jednog dodatnog državnog službenika-stručnog savjetnika)
3.	Radna mjesta koja se planiraju popuniti	1
3.1	Naziv radnog mjesta	Stručni savjetnik - pravni zastupnik za pružanje besplatne pravne pomoći za upravni postupak, upravni spor, parnični, vanparnični i izvršni postupak
3.2	Planirani broj izvršilaca i potrebna kvalifikacija	- 1 izvršilac - Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja pravne struke, položen pravosudni ispit, tri godine radnog staža u struci nakon položenog pravosudnog ispita, poznavanje rada na računaru.
3.3	Stručna sprema za planirano radno mjesto	VSS
3.4	Kratko obrazloženje	U 2025. godini planirana je kadrovska popuna jednog upražnjenog radnog mjesta. Navedena pozicija je sistematizovana pravilnikom, te u cilju osnaženja kadrovskih kapaciteta Zavoda, biće predmetom rada u 2025. godini.

XI NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, GRADOM SARAJEVOM, OMBUDSMENIMA, NEVLADINIM SEKTOROM I DR.

U toku 2024. godine intenzivirana je saradnja sa Ministarstvom pravde Bosne i Hercegovine, UN-ovom agencijom za izbjeglice – UNHCR, udruženjem "Vaša prava", Fondacijom lokalne demokratije, Centrom za ljudska prava Mostar, ali i drugim organima koji se bave pružanjem besplatne pravne pomoći u BiH, ministarstvima, centrima za socijalni rad, jedinicama lokalne samouprave i dr.

U cilju razmjene informacija i prakse u oblasti besplatne pravne pomoći, postizanja viših standarda u pružanju pravne pomoći, te praćenja prakse primjene zakonskih odredbi u određenim oblastima i analize potreba građana da svoja prava i obaveze rješavaju uz pružanje besplatne pravne pomoći, a sve u skladu sa odredbama člana 36. Zakona o pružanju besplatne pravne pomoći, Zavod će u skladu sa odredbama navedenog Zakona i u narednom periodu inicirati svaku vrstu saradnje u okviru svojih kapaciteta, ali odgovoriti i na svaki upit i zainteresovanost drugih organa, proširivati saradnju sa drugim zavodima za pružanje besplatne pravne pomoći i nevladinim organizacijama, te ministarstvima, centrima za socijalni rad, jedinicama lokalne samouprave i drugima.



DIREKTORICA

Emina Herdić-Haračić, dipl. pravnica

###

O B R A Z L O Ž E N J E

I- PRAVNI OSNOV

Pravni osnov za donošenje odluke sadržan je u Ustavu Kantona Sarajevo u članu 18. stav (1) tačka b) („Službene novine Kantona Sarajevo“, broj 1/96, 2/96, 3/96, 16/97, 14/00, 4/01, i 28/04), u članu 117. a u vezi člana 119. stav 2. Poslovnika Skupštine Kantona Sarajevo (“Službene novine Kantona Sarajevo”, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), kojim je utvrđeno da Skupština Kantona Sarajevo u okviru svojih nadležnosti utvrđenih Ustavom Kantona Sarajevo, donosi između ostalog *odluke i zaključke*, te članom 41. Zakona o pružanju besplatne pravne pomoći (“Službene novine Kantona Sarajevo”, broj 1/12, 26/14, 40/17 i 19/23), u vezi sa članom 92. stav (1) tačka 2) i 95. Zakona o organizaciji organa uprave u Federaciji BiH (“Službene novine Federacije BiH”, broj 35/05).

II-RAZLOZI ZA DONOŠENJE

Odredbom člana 41. Zakona o pružanju besplatne pravne pomoći (“Službene novine Kantona Sarajevo”, broj: 1/12, 26/14, 40/17 i 19/23), radi praćenja i unapređenja besplatne pravne pomoći regulisano je da Zavod podnosi Vladi i Skupštini Kantona godišnji izvještaj o radu, a takva obaveza regulisana je i odredbom člana 92. stav (1) tačka 2) i 95. Zakona o organizaciji organa uprave u Federaciji BiH (“Službene novine Federacije BiH”, broj: 35/05).

Kantonalni zavod za pružanje besplatne pravne pomoći je shodno važećim propisima i Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa (“Službene novine Kantona Sarajevo”, broj 1/23), sačinio Izvještaj o radu za 2024. godinu, te se isti shodno naprijed citiranim odredbama Zakona o pružanju besplatne pravne pomoći i Zakona o organizaciji organa uprave u Federaciji BiH dostavlja Skupštini Kantona Sarajevo na razmatranje i usvajanje.

Izvod iz Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01, i 28/04)

Član 18 Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;**
- c) *(brisano)*
- d) utvrđuje politiku i donosi programe razvoja Kantona;
- e) potvrđuje Vladu Kantona;
- f) i g) *(brisano)*
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općinu, Grad i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Izvod iz Poslovnika Skupštine Kantona Sarajevo ("Službene novine Kantona Sarajevo", broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24)

Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.

Izvod iz Zakona o pružanju besplatne pravne pomoći ("Službene novine Kantona Sarajevo", br. 1/12 , 26/14, 40/17 i 19/23)

Član 41.

(Javnost rada i izvještavanje)

(1) Zavod osigurava kontinuirano pružanje informacija javnosti o ciljevima, načinu obezbjeđenja i drugim pitanjima iz oblasti besplatne pravne pomoći.

(2) Radi praćenja i unapređenja besplatne pravne pomoći, Zavod podnosi Vladi i Skupštini Kantona godišnji izvještaj o radu s prijedlogom mjera za unapređenje sistema pružanja pravne pomoći, koji sadrži naročito podatke o broju korisnika besplatne pravne pomoći po oblastima u kojima je pružena pravna pomoć, broju i vrsti postupaka pred pravosudnim organima, organima uprave i drugim organima, trajanju postupaka, broju predmeta koji su u toku i drugim pitanjima od značaja za izvještavanje o pružanju besplatne pravne pomoći.

Izvod iz Zakona organizaciji organa uprave u Federaciji BiH ("Službene novine Federacije BiH", broj 35/05).

Član 92.



Organi uprave i upravne organizacije na svim nivoima vlasti odgovorni su za svoj rad i stanje u oblasti za koju su osnovani sljedećim organima i to:

- 1) federalni organi uprave i upravne organizacije odgovorni su Vladi Federacije;
- 2) kantonalni organi uprave i upravne organizacije odgovorni su vladi kantona;**
- 3) općinski organi uprave i upravne organizacije odgovorni su općinskom načelniku;
- 4) gradski organi uprave i upravne organizacije odgovorni su gradonačelniku.

Član 95.

Organi uprave i upravne organizacije obavezni su organima vlasti iz člana 92. stav (1) tačka 2) ovog Zakona dostavljati godišnje izvještaje o svom radu, a prema potrebi i češće, kao i izvještaj o stanju u oblastima iz njihove nadležnosti, te informacije, obavještenja, podatke, spise i drugu dokumentaciju koji su potrebni za rad izvršnih organa vlasti.





sjednice radnog tijela, mjesečni paušal će mu se umanjiti za 10% po izostanku.

Za realizaciju stavova 2, 3. i 4. nadležna je Komisija za izbor imenovanja i administrativna pitanja.

Član 106.

Poslanik/zastupnik ima pravo i dužnost da:

- pokreće inicijative za donošenje odluka i zakona u nadležnosti Skupštine;
- da pokreće inicijative za donošenje drugih akata u nadležnosti Skupštine;
- da pokreće rasprave o pitanjima koja su u nadležnosti Skupštine; i
- da u roku predviđenom ovim poslovníkom dobije sve informacije i materijale vezane za rad Skupštine i njenih tijela.

Član 107.

Poslanik/zastupnik ima pravo na novčanu naknadu za svoj rad u Skupštini, te naknadu materijalnih troškova, u skladu sa zakonom.

Član 108.

Poslanik/zastupnik uživa imunitet za svoj rad u Skupštini, u skladu sa odredbama Zakona o imunitetu Federacije Bosne i Hercegovine.

Član 109.

Poslaniku/zastupniku prestaje mandat na način propisan Izbornim zakonom BiH.

V - JAVNOST RADA SKUPŠTINE

Član 110.

Rad Skupštine je javan.

Skupština obezbjeđuje javnost rada blagovremenim, potpunim i objektivnim informisanjem javnosti o svom radu.

Član 111.

Skupština obezbjeđuje svim sredstvima javnog informisanja, pod jednakim uslovima, pristup informacijama kojima raspolaže, omogućava pristup skupštinskim materijalima, izdaje službena saopštenja i organizuje konferencije za štampu.

Pristup informacijama iz prethodnog stava može biti uskraćen samo ako one predstavljaju državnu, vojnu, službenu ili poslovnu tajnu na način propisan zakonom ili drugim propisima donesenim na osnovu zakona.

Član 112.

Građanima i predstavnicima sredstava javnog informisanja omogućava se slobodan pristup sjednicama Skupštine u za njih posebno rezervisanom prostoru, kako to utvrdi Kolegij i u skladu sa prostornim mogućnostima.

Član 113.

Sjednica ili dio sjednice na kojoj se razmatraju pitanja regulisana stavom 2. člana 111. biće održana bez prisustva sredstava javnog informisanja i zatvorena za javnost.

U slučaju iz prethodnog stava, predsjedavajući je dužan javnosti obrazložiti razloge zatvaranja sjednice Skupštine.

Član 114.

Sjednice komisija Skupštine u pravilu su otvorene za javnost.

Izuzetno, sjednice ili dijelovi sjednica komisija mogu biti zatvoreni za javnost ako se odnose na razmatranje pitanja ili saslušanja vezana za rad predstavnika organa vlasti, stručnjaka ili poslanika/zastupnika posebnih socijalnih interesa.

U slučaju iz stava 1. ovog člana, predstavnicima sredstava javnog informisanja i građanima biće omogućeno prisustvovanje u skladu sa prostornim mogućnostima.

Član 115.

Gost na sjednicama Skupštine ima pravo da:

- učestvuje u radu Skupštine i u raspravi pred Skupštinom prema odobrenju Kolegija;
- iznosi ekspertsko mišljenje na osnovu odobrenja Kolegija; i
- daje prijedloge Skupštini za rješavanje određenih pitanja na osnovu poziva Skupštine.

Izuzetno, ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

Član 116.

Sekretar Skupštine dužan je organizovati rad Službe Skupštine na način koji omogućava da se brzo i efikasno obrade svi zahtjevi koji su Skupštini upućeni po osnovu Zakona o slobodi pristupa informacijama u Federaciji Bosne i Hercegovine.

VI - AKTA SKUPŠTINE

Opće odredbe o aktima

Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovník Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

Član 118.

Kad Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.

Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.

Član 120.

Zaključkom Skupština odlučuje o svom radu i o radu radnih tijela Skupštine i Službe Skupštine.

Zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Radna tijela Skupštine donose zaključke iz svog domena rada.

Član 121.

Deklaracijom se izražava stav Skupštine o političkim pitanjima i drugim bitnim pitanjima od interesa za Kanton, Federaciju Bosne i Hercegovine ili Bosnu i Hercegovinu.

Član 122.

Rezolucijom se utvrđuje političko djelovanje u svim ili pojedinim oblastima iz djelokruga Skupštine.

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može i neke od svojih nadle nosti prenijeti na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadle nosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadle nosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).



SLUŽBENE NOVINE

KANTONA SARAJEVO

Godina XXVII - Broj 40

Četvrtak, 6. 10. 2022. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav (1) tačka b) i člana 30. stav (2) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo, na 55. Radnoj sjednici održanoj dana 04.10.2022. godine, donijelaje

ZAKON

O MINISTARSTVIMA I DRUGIM ORGANIMA UPRAVE KANTONA SARAJEVO POGLAVLJE I - OSNOVNE ODREDBE

Član 1.

(Osnivanje kantonalnih organa uprave i upravnih organizacija)

Ovim zakonom osnivaju se organi uprave i upravne organizacije Kantona Sarajevo (u daljnjem tekstu: Kanton), utvrđuje njihov djelokrug i uređuju druga pitanja od značaja za njihovo organizovanje i funkcionisanje.

Član 2.

(Organi koji vrše poslove uprave)

Poslove uprave, stručne i s njima povezane upravne poslove iz okvira nadležnosti Kantona vrše kantonalna ministarstva, kantonalne uprave i kantonalne upravne organizacije, utvrđene ovim zakonom.

Član 3.

(Odnos ministarstva prema upravi, odnosno upravnoj organizaciji u sastavu ministarstva)

U poslovima iz nadležnosti kantonalne uprave, odnosno kantonalne upravne organizacije koje se nalaze u sastavu kantonalnog ministarstva, ministar donosi podzakonske propise i opše akte za izvršavanje kantonalnih zakona iz tih oblasti i vrši upravni nadzor nad radom te uprave, odnosno organizacije, u skladu sa zakonom.

Član 4.

(Odgovornost direktora kantonalne uprave, odnosno kantonalne upravne organizacije)

Direktor kantonalne uprave, odnosno kantonalne upravne organizacije za svoj rad i rad uprave, odnosno upravne organizacije kojom rukovodi odgovoran je i to:

- a) direktor samostalne kantonalne uprave, odnosno samostalne kantonalne upravne organizacije - Vladi Kantona;

- b) direktor kantonalne uprave, odnosno kantonalne upravne organizacije u sastavu kantonalnog ministarstva - ministru i Vladi Kantona.

Član 5.

(Proporcionalna zastupljenost)

- (1) U kantonalnim ministarstvima, kantonalnim upravama i kantonalnim upravnim organizacijama osigurava se proporcionalna zastupljenost konstitutivnih naroda i Ostalih, u skladu s Amandmanom XIX (član 11a.) Ustava Kantona Sarajevo, kao i ravnopravna zastupljenost spolova.
- (2) Gramatička terminologija korištenja muškog roda u ovom zakonu podrazumijeva uključivanje oba roda.

POGLAVLJE II - KANTONALNI ORGANI UPRAVE

Odjeljak A - Kantonalna ministarstva

Član 6.

(Kantonalna ministarstva)

Kantonalna ministarstva su:

- a) Ministarstvo pravde i uprave,
- b) Ministarstvo zdravstva,
- c) Ministarstvo komunalne privrede, infrastrukture, prostornog uređenja, građenja i zaštite okoliša,
- d) Ministarstvo saobraćaja,
- e) Ministarstvo za rad, socijalnu politiku, raseljena lica i izbjeglice,
- f) Ministarstvo unutrašnjih poslova,
- g) Ministarstvo privrede,
- h) Ministarstvo za odgoj i obrazovanje,
- i) Ministarstvo za nauku, visoko obrazovanje i mlade,
- j) Ministarstvo kulture i sporta,
- k) Ministarstvo finansija i
- l) Ministarstvo za boračka pitanja.

Odjeljak B - Djelokrug kantonalnih ministarstava

Član 7.

(Ministarstvo pravde i uprave)

Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu

Član 33.

(Druga prava i obaveze pravnog zastupnika)

Na prava, obaveze i odgovornosti pravnog zastupnika, koje nisu regulisane ovim zakonom, primjenjuju se odredbe zakona kojim su regulisana prava, obaveze i odgovornosti rukovodilaca organa uprave i upravnih organizacija i državnih službenika u Federaciji Bosne i Hercegovine i procesnih zakona u Federaciji Bosne i Hercegovine.

Član 34.

(Angažovanje drugih lica)

- (1) Pravni zastupnik može u pojedinom postupku angažovati ili zatražiti angažovanje vještaka, sudskih tumača i drugih lica, kada ocijeni da je to neophodno za vršenje odbrane ili zastupanja.
- (2) Pravni zastupnik je dužan da predlaže ili angažuje lice iz stava (1) ovog člana nepristrasno, rukovodeći se isključivo njegovom stručnošću i iskustvom u obavljanju poslova za koje se angažuje.

POGLAVLJE VIII. FINANSIRANJE, SARADNJA I
STRUČNO USAVRŠAVANJE

Član 35.

(Finansiranje)

- (1) Sredstva za organizovanje i pružanje besplatne pravne pomoći od strane nadležnog organa osiguravaju se u budžetu Kantona.
- (2) Sredstva za pružanje pravne pomoći udruženjima i fondacijama registrovanim za pružanje besplatne pravne pomoći osiguravaju se na osnovu odobrenog projekta, u skladu sa zakonom i drugim propisima.

Član 36.

(Medusobna saradnja nadležnih organa)

- (1) Nadležni organ uspostavlja saradnju s drugim organima osnovanim za pružanje besplatne pravne pomoći, udruženjima i fondacijama registrovanim za pružanje besplatne pravne pomoći i drugim subjektima ovlaštenim za pružanje besplatne pravne pomoći, u cilju razmjene informacija i prakse u oblasti besplatne pravne pomoći.
- (2) Nadležni organ saraduju sa centrima za socijalni rad, nadležnim ministarstvima, jedinicama lokalne samouprave i drugim organima, u cilju praćenja prakse primjene zakonskih odredbi u određenim oblastima i analize potrebe građana da svoja prava i obaveze definirane tim zakonima rješavaju uz pružanje besplatne pravne pomoći.

Član 37.

(Edukacija kadrova i unapređenje kvaliteta)

- (1) Nadležni organ osigurava stručno usavršavanje pravnih zastupnika, naročito u oblasti međunarodnih standarda, propisa i prakse kako bi se osigurao kontinuirani razvoj kvaliteta pružene usluge.
- (2) Nadležni organ kontinuirano unaprijeđuju kvalitet i kvantitet pružanja besplatne pravne pomoći.

POGLAVLJE IX. KANTONALNI ZAVOD ZA PRUZANJE
BESPLATNE PRAVNE POMOĆI

Član 38.

(Status Kantonalnog zavoda za pružanje besplatne pravne pomoći)

Kantonalni zavod za pružanje besplatne pravne pomoći (u daljem tekstu: Zavod) je samostalna upravna organizacija Kantona, koja se osniva zakonom kojim se uređuje organizacija i djelokrug organa uprave i upravnih organizacija Kantona.

Član 39.

(Nadležnost Zavoda)

Zavod osigurava pružanje besplatne pravne pomoći, na način i pod uslovima utvrđenim ovim zakonom.

Član 40.

(Edukacija kadrova i kontrola kvaliteta)

- (1) Zavod osigurava kontinuiranu edukaciju kadrova koji pružaju besplatnu pravnu pomoć.
- (2) Zavod kontinuirano kontroliše kvalitet i kvantitet pružanja besplatne pravne pomoći i predlaže mjere za unapređenje sistema upravljanja i pružanja besplatne pravne pomoći.

Član 41.

(Javnost rada i izvještavanje)

- (1) Zavod osigurava kontinuirano pružanje informacija javnosti o ciljevima, načinu obezbjeđenja i drugim pitanjima iz oblasti besplatne pravne pomoći.
- (2) Radi praćenja i unaprijeđenja besplatne pravne pomoći, Zavod podnosi Vladi i Skupštini Kantona godišnji izvještaj o radu s prijedlogom mjera za unapređenje sistema pružanja pravne pomoći, koji sadrži naročito podatke o broju korisnika besplatne pravne pomoći po oblastima u kojima je pružena pravna pomoć, broju i vrsti postupaka pred pravosudnim organima, organima uprave i drugim organima, trajanju postupaka, broju predmeta koji su u toku i drugim pitanjima od značaja za izvještavanje o pružanju besplatne pravne pomoći.

POGLAVLJE X. NADZOR I KONTROLA KVALITETA

Član 42.

(Nadzor nad primjenom zakona)

Nadzor nad primjenom ovog zakona vrši Ministarstvo pravde i uprave Kantona.

Član 43.

(Kontrola kvaliteta koju vrši direktor Zavoda)

- (1) Direktor Zavoda stara se o stručnom i savjesnom pružanju besplatne pravne pomoći od strane pravnih zastupnika.
- (2) U slučaju nestručnog i nesavjesnog pružanja besplatne pravne pomoći, odnosno opravdanih pritužbi građana, direktor je dužan da preduzme mjere predviđene zakonom radi otklanjanja nepravilnosti i utvrđivanja odgovornosti pravnog zastupnika.
- (3) Korisnik besplatne pravne pomoći ima pravo da, u slučaju nestručnog i nesavjesnog pružanja besplatne pravne pomoći, podnese pritužbu direktoru Zavoda.

Član 44.

(Kontrola kvaliteta koju vrši organ pred kojim se vodi postupak)

U slučaju nestručnog i nesavjesnog pružanja besplatne pravne pomoći, organ pred kojim se vodi postupak dužan je na to upozoriti pravnog zastupnika i o tome sastaviti službenu zabilješku u spisu, kao i o nestručnom i nesavjesnom postupanju pravnog zastupnika pismeno upozoriti direktora Zavoda i korisnika.

POGLAVLJE XI. KAZNE NE ODREDBE

Član 45.

(Krivična i prekršajna odgovornost)

- (1) Zabranjena je i kažnjiva svaka radnja kojom se dovodi do diskriminacije lica koja traže besplatnu pravnu pomoć (član 10).
- (2) Krivično gonjenje i sankcioniranje počinitelaca djela iz stava (1) ovog člana, vrši se prema odgovarajućem krivičnom ili prekršajnom zakonodavstvu.

Ako općinski i gradski organ uprave i pored mjera iz stava 3. člana 87. ovog Zakona ne izvršavaju kantonalne propise, u tom slučaju vlada kantona može narediti da nadležni kantonalni organ uprave neposredno preuzme obavljanje tih poslova, dok općinski i gradski organ uprave ne počne obavljati te poslove.

Troškovi koji nastanu neposrednim obavljanjem poslova od kantonalnog organa uprave, pod uvjetima iz stava 1. ovog člana, padaju na teret sredstava budžeta općine, odnosno grada čiji organ uprave nije obavljao poslove predviđene kantonalnim zakonom i drugim kantonalnim propisom.

Općinski načelnik, odnosno gradonačelnik mogu podnijeti prigovor vladi kantona na visinu troškova iz stava 2. ovog člana, čija je odluka konačna.

4. Odnosi federalnih, kantonalnih, općinskih i gradskih upravnih organizacija

Član 89.

Odredbe čl. od 81. do 88. ovog Zakona analogno se primjenjuju i na odnose federalnih, kantonalnih, općinskih i gradskih upravnih organizacija kada su zakonima i međunarodnim ugovorima iz člana 83. ovog Zakona ovlašteni da obave određene stručne i druge poslove iz tih zakona i ugovora.

X. ODNOS ORGANA UPRAVE I UPRAVNIH ORGANIZACIJA PREMA ORGANIMA IZVRŠNE VLASTI, ORGANIMA ZAKONODAVNE VLASTI, OMBUDSMENIMA I PRAVNIM LICIMA

1. Odnos organa uprave i upravnih organizacija prema organu izvršne vlasti

Član 90.

Odnos organa uprave i upravnih organizacija prema Vladi Federacije, vladi kantona i općinskom načelniku, odnosno gradonačelniku kao organima izvršne vlasti zasniva se na obavezi provođenja zahtjeva i smjernica koje u skladu sa ustavom i zakonom utvrdi organ izvršne vlasti za pojedine upravne oblasti, kao i odgovornosti za stanje u oblasti za koju su organi uprave i upravne organizacije osnovani, a što se ostvaruje na način reguliran u odredbama čl. od 91. do 97. ovog Zakona.

Član 91.

U cilju provođenja zakona i drugih propisa od organa uprave i upravnih organizacija Vlada Federacije, odnosno vlada kantona i općinski načelnik, odnosno gradonačelnik, svako za svoj nivo vlasti, mogu organima uprave i upravnim organizacijama odrediti sljedeće zadatke:

- 1) dati upute i smjernice za rad u izvršavanju zakona i drugih propisa;
- 2) naložiti da u određenom roku pripreme određeni propis, ili da donesu podzakonski propis ili opći akt iz svoje nadležnosti za koju su ovlašteni;
- 3) odrediti izvršavanje pojedinih zadataka i utvrditi rok za njihovo izvršenje;
- 4) odrediti da se ispita stanje određenih pitanja iz njihove nadležnosti i podnesu izvještaji sa odgovarajućim prijedlozima;
- 5) odrediti izvršavanje i drugih zadataka iz njihove nadležnosti.

Organi uprave i upravne organizacije dužni su izvršiti zadatke iz stava 1. ovog člana.

Član 92.

Organi uprave i upravne organizacije na svim nivoima vlasti odgovorni su za svoj rad i stanje u oblasti za koju su osnovani sljedećim organima i to:

- 1) federalni organi uprave i upravne organizacije odgovorni su Vladi Federacije;
- 2) kantonalni organi uprave i upravne organizacije odgovorni su vladi kantona;
- 3) općinski organi uprave i upravne organizacije odgovorni su općinskom načelniku;
- 4) gradski organi uprave i upravne organizacije odgovorni su gradonačelniku.

Član 93.

Izvršni organi vlasti na svim nivoima vlasti imaju pravo razmatrati rad organa uprave i upravnih organizacija, ispitivati stanje u oblasti iz njihove nadležnosti i pokretati postupak za smjenjivanje rukovodioca organa uprave i upravne organizacije ako ocijene da ti organi i organizacije ne izvršavaju pravilno i na zakonom predviđen način poslove iz svoje nadležnosti i da su zbog toga nastale, ili mogu nastati štetne posljedice po prava i dužnosti građana, pravnih lica i drugih subjekata, ili posljedice za javne interese.

Razmatranje rada organa uprave i upravnih organizacija u smislu stava 1. ovog člana vrše sljedeći organi, i to:

- 1) Vlada Federacije za federalne organe uprave i upravne organizacije;
- 2) vlada kantona za kantonalne organe uprave i upravne organizacije;
- 3) općinski načelnik za općinske organe uprave i upravne organizacije;
- 4) gradonačelnik za gradske organe uprave i upravne organizacije.

Raspravu o odgovornosti kantonalnog, ili općinskog, ili gradskog organa uprave i prijedlog za smjenjivanje rukovodioca kantonalnog, općinskog i gradskog organa uprave ili upravne organizacije kod organa iz tač. od 2. do 4. stav 1. ovog člana, ima pravo dati inicijativu i Vlada Federacije kada nadležni federalni organ uprave ili upravna organizacija utvrdi da nadležni kantonalni, ili općinski, ili gradski organ uprave ili upravna organizacija ne vrše, ili nepravilno vrše poslove državne uprave koji su federalnim zakonom povjereni na vršenje tim organima uprave ili upravnim organizacijama.

Član 94.

Ako kanton, ili općina, ili grad svojim propisom nisu regulirali određenu upravnu oblast koja se, prema Ustavu Federacije, nalazi u nadležnosti kantona, ili općine, ili grada, a pitanja iz te oblasti odnose se na ostvarivanje prava i sloboda građana utvrđenih u Ustavu Federacije i u međunarodnim dokumentima u Aneksu, Vlada Federacije ima pravo inicirati da vlada kantona, odnosno općinski načelnik, odnosno gradonačelnik preduzmu konkretne mjere za rješavanje tog pitanja.

Član 95.

Organi uprave i upravne organizacije obavezni su organima vlasti iz člana 92. ovog Zakona dostavljati godišnje izvještaje o svom radu, a prema potrebi i češće, kao i izvještaj o stanju u oblastima iz njihove nadležnosti, te informacije, obavještenja, podatke, spise i drugu dokumentaciju koji su potrebni za rad izvršnih organa vlasti.

Član 96.

Organi uprave i upravne organizacije mogu od organa iz člana 92. ovog Zakona tražiti upute i smjernice o određenim pitanjima za izvršavanje zakona i drugih propisa, a ti organi obavezni su odgovoriti na traženje organa uprave, odnosno upravne organizacije.

Organi uprave i upravne organizacije mogu organu izvršne vlasti predložiti da razmotri određena pitanja iz njihove nadležnosti i tražiti da organ izvršne vlasti preduzme potrebne mjere za rješavanje problema u toj oblasti.

Član 97.



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 18. Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01, i 28/04), člana 117., a u vezi sa članom 119. stav 2. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), Skupština Kantona Sarajevo na _____sjednici od _____ 2025. godine, donosi

**ODLUKA
O USVAJANJU IZVJEŠTAJA O RADU I FINANSIJSKOM POSLOVANJU
KANTONALNOG ZAVODA ZA PRUŽANJE BESPLATNE PRAVNE POMOĆI KANTONA
SARAJEVO ZA 2024. GODINU**

Član 1.

Usvaja se Izvještaj o radu i finansijskom poslovanju Kantonalnog zavoda za pružanje besplatne pravne pomoći Kantona Sarajevo za 2024. godinu.

Član 2.

Ova Odluka stupa na snagu danom objavljivanja u „Službenim novinama Kantona Sarajevo“.

**PREDSJEDAVALAČI
SKUPŠTINE KANTONA SARAJEVO**

ELVEDIN OKERIĆ